



# SAKSUTGREIING

## ETNE KOMMUNE

Utval	Møtedato	Saknr
Formannskap	02.02.2016	011/16
Etne kommunestyre	23.02.2016	001/16

Sakshandsamar:	Arkiv:	Arkivsaknr
Vegard Bang	N - 100	16/183

### Høyringsuttale - forslag til nytt inntektssystem for kommunane

#### TILRÅDING FRÅ RÅDMANNEN:

Etne kommune meiner det er viktig at inntektssystemet framleis vil utjamna dei økonomiske føresetnadane til kommunane, slik at det er mogleg å gje eit likeverdig tenestetilbod til innbyggjarane over heile landet uavhengig av kommunestørrelse.

Etne kommune finn det utfordrande å ta stilling til dei ulike høyringsforsлага utan at det er tatt med verknadstabellar for dei føreslårte endringane, særleg sidan anslaga frå KS viser relativt store utslag avhengig av valde verdiar for den nye strukturkriteriet.

Viss inntektssystemet skal innrettast i tråd med intensjonane i kommunereforma verkar forslaget med eitt nytt strukturkriterium i basiskriteriet lite treffsikker, slik den er skissert i forslaget. Val av tal på personar det skal målast reiselengde til og val av grenseverdiar for reiselengde som kvalifiserer til fullt basiskriterium er i all hovudsak ei skjønnnsbasert vurdering. Dette talar for at strukturkriteriet bør haldast utanfor kostnadsnøkkelen, som er basert på mest mogleg objektive kriteria.

Etne kommune føreset at redusert vekt på kriteriet psykisk utviklingshemma over 16 år, som eit minimum, vert fullt ut kompensert gjennom auka tilskot gjennom toppfinansieringsordninga for ressurskrevjande tenester. Kommunen meiner det er viktig at denne ordninga ikkje svekkast ytterlegare framover.

**02.02.2016 Formannskap**

**F- 011/16 Vedtak:**

**Samrøytes**

## Tilråding frå formannskapet til kommunestyret

Etne kommune meiner det er viktig at inntektssystemet framleis vil utjamna dei økonomiske føresetnadane til kommunane, slik at det er mogleg å gje eit likeverdig tenestetilbod til innbyggjarane over heile landet uavhengig av kommunestørrelse.

Etne kommune finn det utfordrande å ta stilling til dei ulike høyringsforsлага utan at det er tatt med verknadstabellar for dei føreslårte endringane, særleg sidan anslaga frå KS viser relativt store utslag avhengig av valde verdiar for den nye strukturkriteriet.

Viss inntektssystemet skal innrettast i tråd med intensjonane i kommunereforma verkar forslaget med eitt nytt strukturkriterium i basiskriteriet lite treffsikker, slik den er skissert i forslaget. Val av tal på personar det skal målast reiselengde til og val av grenseverdiar for reiselengde som kvalifiserer til fullt basiskriterium er i all hovudsak ei skjønnnsbasert vurdering. Dette talar for at strukturkriteriet bør haldast utanfor kostnadsnøkkelen, som er basert på mest mogleg objektive kriteria.

Etne kommune føreset at redusert vekt på kriteriet psykisk utviklingshemma over 16 år, som eit minimum, vert fullt ut kompensert gjennom auka tilskot gjennom toppfinansieringsordninga for ressurskrevjande tenester. Kommunen meiner det er viktig at denne ordninga ikkje svekkast ytterlegare framover.

### **23.02.2016 Etne kommunestyre**

Alf Ove Nilsen (Ap) fremja følgjande fellesframlegg frå Ap, KrF, Sp, Knut Erik Ebne (uavhengig):

*"Etne kommune meiner det er viktig at inntektssystemet framleis vil utjamna dei økonomiske føresetnadane til kommunane, slik at det er mogleg å gje eit likeverdig tenestetilbod til innbyggjarane over heile landet uavhengig av kommunestørrelse.*

*Eit av dei viktigaste element i inntektssystemet er omfordeling av skatteinntekter frå kommunar med høge skatteinntekter til kommunar med låge skatteinntekter. Sjølv med dagens utjamning er det store skilnader mellom kommunane når det gjeld inntektsnivå. Etne kommune kan ikkje støtte endringar i inntektssystemet som fører til mindre utjamning, og større skilnader i tenestetilbod, enn slik det er i dag. Etne kommune ber om at ein vurderer auke i inntektsutjamninga.*

*Etne kommune finn det utfordrande å ta stilling til dei ulike høyringsforsлага utan at det er tatt med verknadstabellar for dei føreslårte endringane, særleg sidan anslaga frå KS viser relativt store utslag avhengig av valde verdiar for den nye strukturkriteriet.*

*Etne kommune ser også store utfordringar i eit kriterium som skil frivillige og ufrivillige smådriftsulemper der ikkje alle kommunar lenger skal motta kompensasjon for smådriftsulemper på kommunenivå. Endeleg utforming av ein slik modell blir presentert i kommuneopposisjonen 2017 og er difor uråd å ta stilling til i denne høyringa.*

*Om inntektssystemet skal innrettast i tråd med intensjonane i kommunereforma verkar forslaget med eitt nytt strukturkriterium i basiskriteriet lite treffsikker, slik den er skissert i forslaget. Val av tal på personar det skal målast reiselengde til og val av grenseverdiar for reiselengde som kvalifiserer til fullt basiskriterium er i all hovudsak ei skjønnsbasert vurdering. Dette talar for at strukturkriteriet bør haldast utanfor kostnadsnøkkelen, som er basert på mest mogleg objektive kriteria.*

*Etne kommune føreset at redusert vekt på kriteriet psykisk utviklingshemma over 16 år, som eit minimum, vert fullt ut kompensert gjennom auka tilskot gjennom toppfinansieringsordninga for ressurskrevjande tenester. Kommunen meiner det er viktig at denne ordninga ikkje svekkast ytterlegare framover.*

*Etne kommune har ambisjonar om at folkehelseperspektivet skal vera overordna i kommunal planlegging og prioritering framover. Dette er ei nasjonal satsing initiert av regjering og Storting. Inntektssystemet bør ha med eit insentiv for ei positiv satsing på folkehelse i kommunane.*

*Etne kommune meiner det bør utarbeidast eit kriterium i kostnadsnøkkelen for barnehage som tar omsyn til kor mange barn med rett til barnehageplass som faktisk går i barnehagen. Lågt utdanningsnivå samsvarer ikkje alltid med behov for barnehageplass.*

*Etne kommune meiner at selskapsskatten ikkje bør bli gjeninnført som kommunal skatt. Modellen for tilbakeføring av selskapsskatt er ikkje tråd med kommunane sitt behov for føreseielege inntekter.*

*Regjeringa sitt framlegg til nytt inntektssystem fører til stor usikkerhet blant kommunane i sluttfasen av prosessen med ny kommunestruktur. Inntektssystemet skal ikkje vera eit middel for å presse fram strukturendringar i kommune Norge. Slike endringar skal vera frivillige slik det vart vedteke i Stortinget. Etne kommune vil peika på at framlegget legg opp til auka overføringer til dei største kommunane. Noko som vil føra til ytterlegare sentralisering av landet. "*

#### **RØYSTING:**

13 røyster (Ap, Sp, Krf, Knut Erik Ebne (uavhengig) for fellesframlegget.  
Tilrådinga frå formannskapet fekk 8 røyster og fall

#### **K- 001/16 Vedtak:**

**13 mot 8 røyster**

Etne kommune meiner det er viktig at inntektssystemet framleis vil utjamna dei økonomiske føresetnadane til kommunane, slik at det er mogleg å gje eit likeverdig tenestetilbod til innbyggjarane over heile landet uavhengig av kommunestørrelse.

Eit av dei viktigaste element i inntektssystemet er omfordeling av skatteinntekter frå kommunar med høge skatteinntekter til kommunar med låge skatteinntekter. Sjølv med dagens utjamning er det store skilnader mellom kommunane når det gjeld inntektsnivå. Etne kommune kan ikkje støtte endringar i inntektssystemet som fører til mindre utjamning, og større skilnader i tenestetilbod, enn slik det er i dag. Etne kommune ber om at ein vurderer auke i inntektsutjamninga.

Etne kommune finn det utfordrande å ta stilling til dei ulike høyringsforslaga utan at det er tatt med verknadstabellar for dei føreslårte endringane, særleg sidan anslaga frå KS viser relativt store utslag avhengig av valde verdiar for den nye strukturkriteriet.

Etne kommune ser også store utfordingar i eit kriterium som skil frivillige og ufrivillige smådriftsulemper der ikkje alle kommunar lenger skal motta kompensasjon for smådriftsulemper på kommunenivå. Endeleg utforming av ein slik modell blir presentert i kommuneproposisjonen 2017 og er difor uråd å ta stilling til i denne høyringa.

Om inntektssystemet skal innrettast i tråd med intensjonane i kommunereforma verkar forslaget med eitt nytt strukturkriterium i basiskriteriet lite treffsikker, slik den er skissert i forslaget. Val av tal på personar det skal målast reiselengde til og val av grenseverdiar for reiselengde som kvalifiserer til fullt basiskriterium er i all hovudsak ei skjønnsbasert vurdering. Dette talar for at strukturkriteriet bør haldast utanfor kostnadsnøkkelen, som er basert på mest mogleg objektive kriteria.

Etne kommune føreset at redusert vekt på kriteriet psykisk utviklingshemma over 16 år, som eit minimum, vert fullt ut kompensert gjennom auka tilskot gjennom toppfinansieringsordninga for ressurskrevjande tenester. Kommunen meiner det er viktig at denne ordninga ikkje svekkast ytterlegare framover.

Etne kommune har ambisjonar om at folkehelseperspektivet skal vera overordna i kommunal planlegging og prioritering framover. Dette er ei nasjonal satsing initiert av regjering og Storting. Inntektssystemet bør ha med eit insentiv for ei positiv satsing på folkehelse i kommunane.

Etne kommune meiner det bør utarbeidast eit kriterium i kostnadsnøkkelen for barnehage som tar omsyn til kor mange barn med rett til barnehageplass som faktisk går i barnehagen. Lågt utdanningsnivå samsvarer ikkje alltid med behov for barnehageplass.

Etne kommune meiner at selskapsskatten ikkje bør bli gjeninnført som kommunal skatt. Modellen for tilbakeføring av selskapsskatt er ikkje tråd med kommunane sitt behov for føreseielege inntekter.

Regjeringa sitt framlegg til nytt inntektssystem fører til stor usikkerhet blant kommunane i sluttfasen av prosessen med ny kommunestruktur. Inntektssystemet skal ikkje vera eit middel for å presse fram strukturendringar i kommune Norge. Slike endringar skal vera frivillige slik det vart vedteke i Stortinget. Etne kommune vil peika på at framlegget legg opp til auka overføringer til dei største kommunane. Noko som vil føra til ytterlegare sentralisering av landet.

## **SAKSUTGREIING:**

### **Innleiing (bakgrunn for saka)**

I kommuneproposisjonen for 2016 (Prop. 121 S (2014-2015)) blei det varsla at regjeringa vil gjennomføre ein gjennomgang av inntektssystemet for kommunane, og presentere eit forslag til nytt inntektssystem for kommunane i kommuneproposisjonen for 2017.

Kommunal- og moderniseringsdepartementet sendte ut forslag til nytt inntektssystem for kommunane ut på høyring 16.12.15. Høyringsfrist er 01.03.16. Det er understreka at denne gjennomgangen av inntektssystemet skal sjåast i samanheng med kommunereforma.

### **Problemstilling**

Dei frie inntektene består av rammetilskot og skatteinntekter, og utgjer saman med momskompensasjonen nær 80 % av dei samla inntektene i kommunesektoren. Dette er inntekter som kommunen rår fritt over utan andre føringar frå staten enn gjeldande lovar og regelverk. Fordelinga av rammetilskot og skatteinntekter mellom kommunane vert gjort gjennom inntektssystemet, som består av fleire element; innbyggjartilskotet, inkludert kostnadsnøkkelen i utgiftsutjamninga, dei regionalpolitiske tilskota og ulike skatteelement. Korleis inntektssystemet vert innretta har stor innverknad på det tenestetilbodet kommunen til ei kvar tid har moglegheit til å tilby.

I høyringsnotatet vert det gjort greie for konkrete forslag til endringar i kostnadsnøkkelen, forslag til nytt strukturkriterium og endra innretning på dei regionalpolitiske tilskota. I tillegg blir tilhøvet mellom kommunane sine skatteinntekter og inntektssystemet kort drøfta, utan at det kjem forslag til konkrete endringar.

Det mest sentrale spørsmålet som vert drøfta i høyringsnotatet er dagens kompensasjon for smådriftsulemper i communal tenesteproduksjon, og i kva grad kommunar skal kompenserast fullt ut for kostnader knytt til dette. Gjennom basiskriteriet i kostnadsnøkkelen får kommunane i dag i utgangspunktet full kompensasjon for smådriftsulemper på grunn av kommunen sin størrelse. I høyringsnotatet er det foreslått ein modell som skil mellom «frivillige» og «ufrivillige smådriftsulemper» i communal tenesteproduksjon, der det er berre sistnemnde som vert kompensert fullt ut. Intensjonen med endringa er å gjøre inntektssystemet meir nøytralt i høve til kommunesamanslutningar.

Departementet foreslår vidare å slå saman nokon av regionalpolitiske tilskota, knyte dei meir opp til graden av distriktsutfordringar og auke delen som blir gitt per innbyggjar i staden for per kommune. Den siste justeringa har som intensjon å gjere tilskota meir nøytrale i høve til endringar i kommunestrukturen. For Etne kommune gjeld dette eventuelle endringar i Distriktstilskot Sør-Norge.

Departementet ynskjer innspel både til einskilde punkt og generelle uttalar. Etne kommune må i tillegg ta med seg signala om endringar i inntektssystemet inn i vurderinga av framtidig kommunestruktur denne våren. Kommunar som slår seg saman i denne stortingsperioden vil få berekna inndelingstilskotet med utgangspunkt i inntektssystemet for 2016, og behalde dette uavkorta i 15 år, før tilskotet trappast ned over 5 år.

### **Vurdering**

Den overordna målsetjinga med inntektssystemet er å utjamna dei økonomiske føresetnadane til kommunane, slik at det er mogleg å gje eit likeverdig tenestetilbod til innbyggjarane over heile landet. Det betyr likevel ikkje at alle kommunar skal ha like

inntekter, men det tilseier at det ikkje bør vera for store forskjellar i inntekter mellom kommunane. Eit anna viktig prinsipp for finansieringa av kommunesektoren er omsynet til det lokale sjølvstyret. Dette inneber at kommunesektoren bør ha økonomisk sjølvstende og høve til å behalda ein del av inntekter og verdiar som blir skapt i eige lokalsamfunn. Dette tilseier at ein del av inntektene bør koma frå lokale skattar. Inntektssystemet skal ta omsyn til begge prinsippa, sjølv om dei står i motsetnad til kvarandre.

Rådmannen finn det vanskeleg å vurdere viktige delar av framlegget i høyningsforslaget, då det ikkje er tatt med talmateriale som visar kva verknader dei føreslår endringane får. Dei ulike elementa i inntektssystemet heng saman, slik at ei endring ein plass kan gje omfordeling i heile modellen. Kommunen er difor avhengig av vurderingane til fagmiljøa, i fyrste rekke KS, for å kunne få eit heilskapleg overslag på dei totale effektane.

Administrasjon i KS har laga eit notat med deira vurderingar av forslaget, samt gjort samla berekningar på dei verknadane som er konkretisert i forslaget. Dei skisserer desse endringane for Etne kommune:

KS sin illustrasjon av fordelingsverknader - forslag til nytt inntektssystem		
	Berekna utslag i kr	
	Kroner per innb	Totalt
<b>Foreslått endring</b>		
I. Utgiftsutjanminga (utanom strukturkriteriet)	-179	-738 810
II. Bruk av strukturkriterium ved berekning av basis		
Døme a) Grense for full basis 25,4 km per innbyggjar	-965	-3 960 424
Døme b) Grense for full basis 16,5 km per innb	-47	-192 965
Døme c) Grense for full basis 13,3 km per innb	333	1 365 230

### Kostnadsnøklar

Pkt. 1 gjeld endringane i kostnadsnøklane i utgiftsutjamninga. Etter rådmannen si vurdering verkar endringane i all hovudsak til være ein oppdatering av dagens nøklar, der dei føreslått endringane er relativt godt gjort greie for. Eit døme er at brukarstatistikk (IPLOS) viser at kommunane i snitt brukar relativt sett og mindre på dei som er 90 år og eldre (meir pengar på dei som er 89 år og yngre) enn det som ligg til grunn i dagens inntektssystem. Etne kommune har relativt sett fleire 90-åringar enn landet og vil difor tapa mykje på dette. Motsett effekt får kommunen av at kriteriet for del av befolkninga 2-5 år vektast opp i barnehagenøkkelen. Samla vil Etne kommune truleg tape omlag 739 000 på endringane, basert på kommunen sin relative vekt i 2016. Effektar for alle nøklane ligg vedlagt saka.

Rådmannen vil trekke fram at vekta for ressurskrevjande brukarar (PU over 16 år) er redusert ned. Høyningsnotatet slår fast at det kommunane eventuelt tapar her, kan dei få igjen gjennom auka tilskot gjennom toppfinansieringsordninga for ressurskrevjande tenester. Det er verdt å merke seg at dette er gitt dagens ordning. Denne ordninga har blitt strama inn noko dei siste åra, og eventuelle nye innstrammingar vil difor kunne gje større effekt i framtida.

### Strukturkriterium

Pkt. 2 gjeld forslaget om eit nytt strukturkriterium, og kjem i tillegg til endringa i pkt. 1. Innføring av eit slik kriterium reise spørsmålet om det er prinsipielt riktig at ikkje alle smådriftsulemper skal kompenserast fullt ut, og eventuelt korleis eit slikt kriterium fangar opp «ufrivillige» smådriftsulemper. Til grunnlag for berekning av kompensasjon for smådriftsulemper mellom kommunane er det føreslått ein indikator som byggjar på busettingsmønsteret i kommunen og områda rundt ved å måle avstanden i kilometer til ein har nått 5 000 innbyggjarar. Det er vald 5 000 fordi forsking viser at

administrasjonskostnadene vert kraftig redusert og stordriftsfordeler for administrasjon, helse og grunnskule ofte er uttømt ved dette innbyggjartalet. I praksis vil det bli fastset ein grenseverdi for kor lang reiselengde som tilseier full kompensasjon. Kommunar med kortare reiselengda enn dette vil få ein reduksjon avhengig av kor ein sett grensa. I vurderinga er det lagt fram tre alternative avstandar som varierer frå 13,3 til 25,4 km. Etne kommune har fått berekna ein verdi på 14,4 km. KS sine overslag viser at Etne kommune isolert sett kan få ca. 1,36 millionar meir enn i dag viss grensa blir sett til 13,3 km, medan kommunen vil få ca. 3,95 millionar mindre viss grensa blir sett ved 25,4 km. Det er dermed relativt store utslag for Etne kommune avhengig av kva grenseverdien eventuelt blir. Basert på gjeldande økonomiplan vil ein reduksjon på nesten 4 millionar føre til eit redusert tenestetilbod eller auka eigedomsskatt.

Basistilskotet i dag er utforma slik at kommunane mottar eit fast beløp og ikkje tilskot per innbyggjar. KS skriv av det i dag er utforma slik at kommunar med mindre enn ca. 12 000 innbyggjarar som har smådriftsulemper. Det nye forslaget til strukturkriterium måler reiselengde til berre 5 000 innbyggjarar. Ein konsekvens av dette er at bruken av strukturkriteriet på større kommunar i hovudsak berre gir informasjon om reiselengde innan kommunen, og seier relativt lite om moglegheita for samanslåing med nabokommunar. KS har berekna at kommunar opp til mellom 20 000 (grenseverdi 25,4 km) og 35 000 (grenseverdi 13,3 km) innbyggjarar vil få lågare rammetilskot enn i dag; sjølv om dei ikkje er hovudmålsgruppa for såkalla ufrivillige smådriftsulemper. Det indikerer at denne innretninga ikkje i stor nok grad fangar opp dei intensjonane som har vore signalisert so langt i høve kommunereforma

Val av tal på personar det skal målast reiselengde til og val av grenseverdiar for reiselengde som kvalifiserer til fullt basiskriterium er i all hovudsak ei skjønnnsbasert vurdering. KS peiker i sitt notat på at talar for at strukturkriteriet bør haldast utanfor kostnadsnøkkelen, som er basert på mest mogleg objektive kriteria. Dei foreslår at korrekjonen for gradert basiskriterium til dømes kan gå inn i inntektssystemet på same måte som korrekjonen for ulik bruk av private/statlege skoler.

#### Distriktstilskot Sør-Norge

Distriktstilskot Sør-Norge gis i dag til kommunar med over 3 200 innbyggjarar, med distriktsindeks lågare enn 47 og skatteinntekter per innbyggjar under 120 % av landssnittet. Kommunane er delt inn i 5 kategoriar ut frå nivået på distriktsindeksen, der kommunane med lågast distriktsindeks får dei høgaste tilskotsatsane per kommune og per innbyggjar. Etne kommune har i dag ein indeks på 45 og ligg på det nivået som får lågast tilskot. I 2015 blei kriteria for indeksen endra slik at Etne kommune fekk ein auke frå 35 til 45 i indeksen. Dette gav ein stor reduksjon i tilskotet frå 5,442 mill. i 2014 til 1,129 mill. i 2015. I høyringsnotatet kjem det ikkje fram noko konkret forslag til endring, men det blir signalisert at tilskotet skal justerast slik at meir av tilskotet skal fordelast per innbyggjar. Forslag til konkrete satsar vil regjeringa først komme tilbake til i kommuneopposisjonen for 2017.

Større vekt på tilskot per innbyggjar betyr at kommunar med lågast folketal og låg distriktsindeks vil få dei største reduksjonane. Eigne berekningar (vedlagt saka) på moglege effektar visar at Etne kommune truleg vil tape litt på ei omlegging. Berekninga legg til grunn at satsen for tilskot per kommune blir justert ned med same prosentsats (t.d. alle blir halvert), og at samla reduksjon frå tilskot per kommune vert lagt inn potten for tilskot per innbyggjar. Satsane for tilskot per innbyggjar er så justert opp slik at det relative forholdet i prosent mellom satsane framleis er likt (tilskot per innbyggjar for kommunar med låg indeks aukar mest i kroner). Alle andre faktorar er heldt uendra. Om satsane per innbyggjar blir

auka med same beløp i kronar, vil Etne kommune truleg få litt meir i tilskot.

### Skatt på inntekt og formue

Skatt på inntekt og formue utgjer i dag om lag 40 % av kommunesektoren sine samla inntekter. Det er tre sentrale element i inntektsmodellen til kommunane som gjeld skatt; fastsetjing av skatten sin del av dei samla inntektene, skattar som skal tilkoma kommunane og graden av utjamning av skatteinntekter mellom kommunane. Innretninga av desse elementa vil vera ei vurdering av balansen mellom omsynet til lokal forankring av inntektene og omsynet til likeverdige tenester. Omsynet til likeverdige tenester og føreseielege inntekter tilseier ein lågare skattedel og/eller høgare utjamning av skatteinntektene, mens omsynet til lokal forankring inneber ein høgare skattedel og/eller lågare utjamning. Det er ikkje skissert endringar i dette i høyringsframlegget, men det er ein understreka at frå og med 2017 vil kommunane bli tilført inntekter via ein ny modell for selskapsskatt som vil bli ein del av skatteutjamninga. Modellen er basert på vekst i lokal verdiskapning, og skal gje kommunane eit sterkare incentiv til å legge til rette for næringsutvikling. Kommunar med vekst i lønnssummen i private føretak over ein periode på fire år vil ta i mot ein del av den nye selskapsskatten. Berekningar tidlegare har vist at Etne kommune, som dei fleste andre kommunar, vil tape på denne omlegginga.

Etne kommune har skatteinntekter under landssnittet. Rådmannen meiner intensjonen i kommunereforma, med eit uttalt mål om større og meir homogene kommunar, peikar mot at skattedelen ikkje bør aukast og at det heller kan vurderast høgare grad av utjamning.

Etne kommune må vidare ta med seg signala om endringar i inntektssystemet inn i vurderinga av framtidig kommunestruktur. Med relativt kort tid frå høyringsfristen til kommuneproposisjonen blir lagt fram er det lite truleg at det kjem store endringar. Etter KS sine berekningar vil konsekvensen av forslaget ligge i spennet mellom ei auke i inntektene på 600 000 til eit tap på 4,7 millionar. Effektane av endra Distriktstilskot Sør-Norge kjem i tillegg, men rådmannen trur ikkje det blir store utslag her.

### **Vedlegg i saka:**

Dok.dato	Tittel	Dok.ID
17.12.2015	Høring - Forslag til nytt inntektssystem for kommunene (L)(279104).pdf	1341821
17.12.2015	Høringsnotat forslag til nytt inntektssystem for kommunene (L)(281603).pdf	1341822
24.01.2016	KS Notat - Høring på forslag til nytt inntektssystem for kommunene (Datert 14.1.16)	1344025
24.01.2016	Berekning av konsekvensar ved endring i Distriktstilskot Sør-Norge	1344029
24.01.2016	Overslag på effektar knytt til endra kostnadsnøklar (KS-modell)	1344030

### **Saksgang:**

Formannskapet  
Kommunestyret

### **Utskrift til:**

Sakshandsamar for innsending av høyringsuttale